

«29» սեպտեմբեր 2015թ.

N 15/37

1. Վարչական իրավախախտման վերաբերյալ գործի նկարագրությունը, վարչական ակտն և ընդունված ծանուցումները

Երևան քաղաքի Էրեբունի վարչական շրջանի ղեկավարի աշխատակազմի աշխատակից Ա. Մանուկյանի կողմից 16.09.2014 թվականին հայտնաբերվել է Հայաստանի Հանրապետության Վարչական իրավախախտումների վերաբերյալ օրենսգրքի 154-րդ հոդվածի 1-ին մասով նախատեսված վարչական իրավախախտում, մասնավորապես՝ քաղաքացի Անյա Մնացականյանի կողմից սեփականության իրավունքով իրեն պատկանող Սարի Թաղի 5-րդ փողոցի հ. 35 հասցեում ինքնակամ իրականացվել է մետաղական կոնստրուկցիաներով տանիքի վերակառուցման շինարարական աշխատանքներ, որի վերաբերյալ 24.09.2014 թվականին կազմվել է վարչական իրավախախտման վերաբերյալ թիվ 016355 արձանագրությունը (այսուհետ՝ արձանագրություն):

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը քաղաքացի Անյա Մնացականյանի մասնակցությունը ապահովելու նպատակով Երևանի քաղաքապետարանի կողմից միջոցներ են ձեռնարկվել քաղաքացի Անյա Մնացականյանին Երևանի քաղաքապետարանում կայանալիք նիստերի վերաբերյալ ծանուցելու համար, սակայն ծանուցագրերը չեն հանձնվել՝ վերջինիս չհայտնաբերելու պատճառով:

Հաշվի առնելով, որ Հայաստանի Հանրապետության վարչական իրավախախտումների վերաբերյալ օրենսգրքի դրույթներով չեն կանոնակարգվում վարչական՝ այդ թվում նաև վարչական իրավախախտման վերաբերյալ վարույթների կասեցման դեպքերը, հիմքերն ու կարգը և ղեկավարվելով «Իրավական ակտերի մասին» ՀՀ օրենքի 5-րդ հոդվածի 6-րդ մասի 2-րդ կետով, 71-րդ հոդվածի 1-ին մասի 5-րդ կետով, 76-րդ հոդվածի 2-րդ մասով, «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 1-ին մասի «գ» կետով 12.11.2014 թվականի վարչական իրավախախտման գործի վերաբերյալ հ. Վ-47/24 որոշմամբ 24.09.2014 թվականին քաղաքացի Անյա Մնացականյանի նկատմամբ կազմված վարչական իրավախախտման վերաբերյալ հ. 016355 արձանագրության հիման վրա հարուցված վարչական վարույթը կասեցվել է մինչև վերջինիս ի հայտ բերելը:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների ուսումնասիրման նպատակով Երևանի քաղաքապետարանի կողմից կրկին միջոցներ են ձեռնարկվել քաղաքացի Անյա Մնացականյանին Երևանի քաղաքապետարանում կայանալիք նիստերին ծանուցելու համար, սակայն ծանուցագրերը հնարավոր չի եղել հանձնել վերջինիս չհայտնաբերելու պատճառով:

Վարչական իրավախախտման գործի վերաբերյալ 24.12.2014 թվականի հ. Վ-53/24 որոշմամբ 12.11.2014 թվականի վարչական իրավախախտման գործի վերաբերյալ հ. Վ-47/24 որոշմամբ քաղաքացի Անյա Մնացականյանի նկատմամբ կասեցված վարչական վարույթը վերսկսվել է:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների ուսումնասիրման նպատակով Երևանի քաղաքապետարանի կողմից կրկին միջոցներ են ձեռնարկվել կառուցապատող Անյա Մնացականյանին Երևանի քաղաքապետարանում կայանալիք նիստին ծանուցելու համար, սակայն ծանուցագրերը չի հանձնվել վերջինիս չհայտնաբերելու պատճառով:

Վարչական իրավախախտման գործի վերաբերյալ 21.01.2015 թվականի հ. Վ-1/38 որոշմամբ կասեցվել է 24.09.2014 թվականին քաղաքացի Անյա Մնացականյանի նկատմամբ կազմված վարչական իրավախախտման վերաբերյալ հ. 016355 արձանագրության հիման վրա հարուցված վարչական վարույթը մինչև վերջինիս ի հայտ բերելը:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների ուսումնասիրման նպատակով Երևանի քաղաքապետարանի կողմից կրկին միջոցներ են ձեռնարկվել քաղաքացի Անյա Մնացականյանին Երևանի քաղաքապետարանում կայանալիք նիստերին ծանուցելու համար, սակայն ծանուցագրերը հնարավոր չի եղել հանձնել վերջինիս չհայտնաբերելու պատճառով:

Վարչական իրավախախտման գործի վերաբերյալ 18.03.2015 թվականի հ. Վ-9/18 որոշմամբ 21.01.2015 թվականի վարչական իրավախախտման գործի վերաբերյալ հ. Վ-1/38 որոշմամբ քաղաքացի Անյա Մնացականյանի նկատմամբ կասեցված վարչական վարույթը վերսկսվել է:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների ուսումնասիրման նպատակով Երևանի քաղաքապետարանի կողմից կրկին միջոցներ են ձեռնարկվել քաղաքացի Անյա Մնացականյանին Երևանի քաղաքապետարանում կայանալիք նիստին ծանուցելու համար, սակայն ծանուցագիրը չի հանձնվել՝ վերջինիս չհայտնաբերելու պատճառով:

Վարչական իրավախախտման գործի վերաբերյալ 25.03.2015 թվականի հ. Վ-10/31 որոշմամբ կասեցվել է 24.09.2014 թվականին քաղաքացի Անյա Մնացականյանի նկատմամբ կազմված վարչական իրավախախտման վերաբերյալ հ. 016355 արձանագրության հիման վրա հարուցված վարչական վարույթը մինչև վերջինիս ի հայտ բերելը:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների ուսումնասիրման նպատակով Երևանի քաղաքապետարանի կողմից միջոցներ են ձեռնարկվել քաղաքացի Անյա Մնացականյանին Երևանի քաղաքապետարանում 29.04.2015 թվականին կայանալիք նիստին ծանուցելու համար:

Համաձայն Երևանի քաղաքապետարանի աշխատակազմի քաղաքաշինության և հողի վերահսկողության վարչության պետի 06.02.2015 թվականի հ. 19/44-71707 գրությանը կից ներկայացված վարչության աշխատակիցների 27.04.2015 թվականին կազմված արձանագրության «... սակայն վերջինս /Անյա Մնացականյանը/ հրաժարվեց ստանալ հիշյալ ծանուցագիրը առանց որևէ պատճառաբանության, որից հետո նրա ներկայությամբ բարձրագույն ընթերցվեց հիշյալ վարույթի կայանալու օրը, ժամը, վայրը և կրկին նրան առաջարկեցինք ստանալ վարչական իրավախախտման վերաբերյալ կայանալիք նիստի ծանուցագիրը, սակայն վերջինս կրկին հրաժարվեց և հեռացավ»:

Նկատի ունենալով վերոգրյալը, համարվեց, որ քաղաքացի Անյա Մնացականյանը պատշաճ ծանուցվել է Երևանի քաղաքապետարանում 29.04.2015 թվականին կայանալիք նիստի վերաբերյալ հետևաբար վերացվել է վերը նշված վարչական վարույթի կասեցման հիմքերը:

Քաղաքացի Անյա Մնացականյանը պատշաճ ծանուցված լինելով 29.04.2015 թվականին կայանալիք գործի քննության տեղի և ժամանակի մասին չներկայացավ, ուստի Վարչական իրավախախտումների վերաբերյալ օրենսգրքի (այսուհետ՝ Օրենսգիրք) 267-րդ հոդվածի 1-ին մասի համաձայն գործը քննվեց վերջինիս բացակայությամբ:

Գործի քննության ընթացքում ուսումնասիրվեցին Երևան քաղաքի Էրեբունի վարչական շրջանի ղեկավարի աշխատակազմի աշխատակից Ա. Մամուլյանի կազմած վարչական իրավախախտման վերաբերյալ թիվ 016355 արձանագրությունը, սեփականության իրավունքի վկայականի պատճենը, Էրեբունի վարչական շրջանի ղեկավարի 14.10.2014 թվականի հ. 24/1-8/107/1598, 05.12.2014թ. հ. 24/1-8/107/1882, 17.12.2014 թվականի հ. 24/1-8/107/1942, 23.01.2015 թվականի հ. 24/1-8/107/42 գրությունները, Երևանի քաղաքապետարանի աշխատակազմի քաղաքաշինության և հողի վերահսկողության վարչության պետի 21.10.2014 թվականի հ.19/44-12886, 06.02.2015 թվականի հ. 19/44-71707 գրությունները, ՀՀ ոստիկանության Երևան քաղաքի վարչության Էրեբունու բաժնի պետի 30.10.2014 թվականի հ. 31/5-12560 գրությունը, Երևանի քաղաքապետարանի աշխատակազմի հասարակական կարգի պահպանության ծառայության պետի 25.11.2014 թվականի հ. 51/44-14984, 29.01.2015թ. հ. 51/44-16683h գրությունները և իրավախախտման լուսանկարները:

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում հիմնավորվեց, որ նիստին հրավիրված անձի կողմից ինքնակամ իրականացվել է տանիքի վերակառուցման շինարարական աշխատանքներ, որով թույլ է տվել Օրենսգրքի 154-րդ հոդվածի 1-ին մասով նախատեսված վարչական իրավախախտում:

2. Վարչական ակտ ընդունելու հիմնավորումը.

Օրենսգրքի 9-րդ հոդվածի համաձայն՝ Վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (ղիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

Օրենսգրքի 154-րդ հոդվածի 1-ին մասի համաձայն՝ սեփականության կամ հոդօգտագործման իրավունք ունեցող անձանց կողմից այդ հողամասի վրա շենքեր և շինություններ ինքնակամ կառուցելը, ինչպես նաև բազմաբնակարան շենքերում կամ շենքերին կից ինքնակամ կառույցներ կատարելը առաջացնում է տուգանքի նշանակում՝ սահմանված նվազագույն աշխատավարձի երկուհարյուրապատիկի չափով:

«Վարչարարության հիմունքների և վարչական վարույթի մասին» ՀՀ օրենքի (այսուհետ՝ Օրենք) 1-ին հոդվածի համաձայն՝ սույն օրենքը սահմանում է վարչարարության հիմունքները, կարգավորում է վարչական ակտեր ընդունելու, վարչական ակտերը, վարչական մարմինների գործողությունները և անգործությունը բողոքարկելու, վարչական ակտի կատարման, վարչական ծախսերի, ինչպես նաև վարչարարությամբ հասցված վնասի հատուցման հետ կապված՝ վարչական մարմինների և ֆիզիկական կամ իրավաբանական անձանց (այսուհետ՝ անձինք) միջև ծագած հարաբերությունները:

Օրենքի 49-րդ հոդվածի 1-ին մասի «գ» կետի համաձայն՝ վարչական մարմինը պարտավոր է կասեցնել վարչական վարույթը, եթե վարչական ակտի ընդունումը հնարավոր է միայն այդ ակտի հասցեատիրոջն ի հայտ բերելու դեպքում:

Օրենքի 49-րդ հոդվածի 3-րդ մասի 2-րդ պարբերության համաձայն՝ սույն հոդվածի 1-ին մասի «բ» և «գ» կետերով, ինչպես նաև 2-րդ մասով նախատեսված դեպքերում վարչական վարույթը վերսկսվում է դրա կասեցման հիմք դարձած հանգամանքները վերանալուց հետո, բայց ոչ ուշ, քան կասեցման մասին որոշում ընդունելու օրվանից հետո 60 օրը լրանալը:

Օրենքի 51-րդ հոդվածի 1-ին մասի 6-րդ պարբերության համաձայն՝ սույն մասով նախատեսված դեպքերում վարչական վարույթը վերսկսվում է: Դրա ընթացքում կիրառվում են վարչական վարույթի իրականացման՝ սույն օրենքով նախատեսված ընդհանուր կանոնները:

Ելնելով վերոգրյալից և ղեկավարվելով Օրենսգրքի 23-րդ հոդվածի 2-րդ կետով, 154-րդ հոդվածի 1-ին մասով, 219.1-րդ, 281-րդ և 282-րդ հոդվածներով, Օրենքի 49-րդ հոդվածի 1-ին մասի «գ» կետով, 3-րդ մասով, 51-րդ հոդվածի 1-ին մասով, Երևանի քաղաքապետի 23.08.2013 թվականի թիվ 4180-Ա որոշմամբ՝

ՈՐՈՇԵՑԻ

1. Քաղաքացի Անյա Մնացականյանի նկատմամբ 25.03.2015 թվականի հ. Վ-10/31 որոշմամբ կասեցվեց վարչական վարույթը վերսկսել:

2. Քաղաքացի Անյա Մնացականյանին Օրենսգրքի 154-րդ հոդվածի 1-ին մասով ենթարկել վարչական պատասխանատվության՝ նշանակելով վարչական տույժ 200.000 (երկու հարյուր հազար) ՀՀ դրամի չափով:

3. Օրենսգրքի 305-րդ հոդվածի համաձայն տուգանքը պետք է վճարվի սույն որոշումը իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900025311052 հաշվին:

4. Սույն որոշումը կարող է բողոքարկվել Հայաստանի Հանրապետության օրենսդրությամբ սահմանված կարգով:

ԵՐԵՎԱՆԻ ՔԱՂԱՔԱՊԵՏԱՐԱՆԻ
ԱՇԽԱՏԱԿԱԶՄԻ ՀԱՍՏԱՐԱԿԱԿԱՆ
ԿԱՐԳԻ ՊԱՀՊԱՆՈՒԹՅԱՆ
ԾԱՌԱՅՈՒԹՅԱՆ ՊԵՏ



ԱՆԴՐԱՆԻԿ ՄԱՐՏԻՐՈՍՅԱՆ